

SEPS HO MSSI OFISIALMENTE LANSA SISTEMA ALERTA BA TSUNAMI

Lecidere-Sekretariu Estadu Protesaun Sivil (SEPS) Sr. Alexandrinho Xavier Araujo no Ministra Solidariedade Sosiál no Inkluzaun (MSS), Sra. Armanda Berta dos Santos, iha loron Kinta feira ne'e, (28/02/2019), ofisialmente hala'o inagurasaun no lansamentu sistema alerta (sirene) ba tsunami hamutuk rua ne'ebe lokaliza iha area Largo Suku Bidau Lecidere, Postu Administrativu Nain Feto no ida seluk iha area Aeroportu Internasional Nicolau Lobatu, Suku Madohi, Postu Administrativu Dom



Aleixo, nudar prevensaun no preparasaun hodi aviza ba populasaun sira wainhira akontese dezastre tasi sa'e. Sra. Silvia Verdial da Silva Lopes nudar Prezidente Komisaun Organizadora ba media sira hatete katak, "Obra ne'e rasik realiza bazeia ba akordu entre MSSI ho Secretariat of the Pacific Communities (SPC) ihafulan Setembru tinan 2015 liu ba. Naran husi husi projetu ne'e maka BSRF (Building Safety and Resilience in the Pacific iha Timor Leeste. Projetu ne'e mos hetan tulun husi SPC no Uniaun Europeia ne'ebe implementa husi Diresaun Nasional Jestaun ba Risku no Dezastre (DNGRD) ne'ebe tutela iha MSS nia okos. Nia hatutan, Total orsamentu alokadu ba hari sirene rua ne'e, ho montante osan USD 310,460. No kompanhia ARFAK Technology.Unip. Lda maka hetan selesaun hodi implementa projetu ne'e ho montante osan USD 299.897.14. Torre ba sirene rua ne'e, nia as 14 metrus, nia speaker ba alarme hamutuk 8 ho nia lian 8 kilometrus no DNGRD rasik maka halo operasaun liu husi sistema kontrolu. Antes instala sistema alerta sedu ne'e, SEPS Alexandrino Xavier rasik halo ona diseminasaun informasaun ba populasaun tomak konaba funsaun hari sistema alerta tsunami ne'e liu husi media. Seremonia ne'e, hetan mos partisipasaun husi Sr. Taito Nakalevu representante SPC husi nasaun Fiji, embaixador UE iha Timor-Leste Sr, Alexandre Leita, Diretores Gerais, membru Governu, PNTL, FDTL, Prezidente Autoridade Munisipiu Dili Sr. Gaspar Soares, Diretores Gerais, Diretores Nasionais, Asesores Nasionais-Internasionais husi linhas Ministriais. Ajensia Internasionais, ONG nasionais-internasionais, representante igreja katolika autoridade lokal ho nia comunidade sira husi Suku rua nomos comunidade ambulantes sira ne'ebe hela besik areadores tasi ibun. [#Alan](#)